

經史百家雜鈔卷五目錄

詞賦之屬上編三

左思三都賦

潘岳西征賦

秋興賦

笙賦

陶潛歸去來辭

鮑照蕪城賦

庾信哀江南賦

韓愈送窮文

進學解

歐陽修秋聲賦

蘇軾前後赤壁賦

筆頌

煉興頌

潘岳西征賦

王粲登樓賦

同賦

經史百家雜鈔卷五目錄

經史百家雜鈔卷五

湘鄉曾國藩纂

合肥李鴻章校

詞賦之屬上編三

左思三都賦

並序

蓋詩有六義焉其二曰賦揚雄曰詩人之賦麗以則班固曰賦者古詩之流也先王采焉以觀土風見綠竹猗猗則知衛地淇澳之產見在其版屋則知秦野西戎之宅故能居然而辨八方然相如賦上林而引盧橘夏熟揚雄賦甘泉而陳玉樹青蔥班固賦西都而歎以出比目張衡賦西京而述以遊海若假稱珍怪以爲潤色若斯之類匪啻于茲考之果木則

生非其壤校之神物則出非其所於辭則易爲藻飾於義則
虛而無徵且夫玉卮無當雖寶非用侈言無驗雖麗非經而
論者莫不詆訐其研精作者大氏舉爲憲章積習生常有自
來矣余旣思摹二京而賦三都其山川城邑則稽之地圖其
鳥獸草木則驗之方志風謠歌舞各附其俗魁梧長者莫非
其舊何則發言爲詩者詠其所志也升高能賦者頌其所見
也美物者貴依其本讚事者宜本其實匪本匪實覽者奚信
且夫任土作貢虞書所著辨物居方周易所慎聊舉其一隅
攝其體統歸諸詰訓焉

蜀都賦

有西蜀公子者言於東吳王孫曰蓋聞天以日月爲綱地以四
海爲紀九土星分萬國錯峙嶠函有帝皇之宅河洛爲王者之
里吾子豈亦曾聞蜀都之事歟請爲左右揚推而陳之夫蜀都
者蓋兆基於上世開國於中古廓靈關以爲門包玉壘而爲宇
帶二江之雙流抗峨眉之重阻水陸所湊兼六合而交會焉豐
蔚所盛茂八區而菴藹焉以上總挈大綱於前則跨躡犍泮枕騎交趾
經途所互五千餘里山阜相屬含谿懷谷岡巒糾紛觸石吐雲
鬱益益以翠微崛巍巍以峩峩干青霄而秀出舒丹氣而爲霞
龍池渴瀑瀆其隈漏江伏流潰其阿汨若湯谷之揚濤沛若濛
汨之涌波於是乎邛竹緣嶺菌桂臨崖旁挺龍目側生荔枝布

綠葉之萋萋。結朱實之離離。迎隆冬而不凋。常晔晔以猗猗。孔
翠羣翔。犀象競馳。白雉朝雒。猩猩夜啼。金馬騁光。而絕景碧雞。
儵忽而曜儀。火井沈熒於幽泉。高燭飛煽於天垂。其間則有虎
珀丹青。江珠瑕英。金沙銀礫。符采彪炳。暉麗灼爍。即上前於後
則卻背華容。北指崑崙。緣以劒閣。阻以石門。流漢湯湯。驚浪雷
奔。望之天迴。卽之雲昏。水物殊品。鱗介異族。或藏蛟螭。或隱碧
玉。嘉魚出於丙穴。良木攢於褒谷。其樹則有木蘭。檉桂。杞櫛。椅
桐。櫻。柯。楔。樅。榎。相。幽。藹。於谷底。松柏蒼鬱。於山峯。擢修幹。竦長
條。扇飛雲。拂輕霄。羲和假道於峻歧。陽烏迴翼乎高標。巢居栖
翔。聿兼鄧林。穴宅奇獸。巢窟異禽。熊羆咆其陽。鵬鵠其陰。獫

狃騰希而競捷虎豹長嘯而永吟

以上後即北也

於東則左縣巴中百

濮所充外負銅梁於宕渠內函要害於膏腴其中則有巴菽巴

戟靈壽桃枝樊以菹圃濱以鹽池蠃蜎山棲黿龜水處潛龍蟠

於沮澤應鳴鼓而興雨丹砂艷熾出其坂蜜房郁毓被其阜山

圖采而得道赤斧服而不朽若乃剛悍生其方風謠尙其武奮

之則實旅翫之則渝舞銳氣剽於中葉躋容世於樂府

以上東即左也

於西則右挾岷山涌瀆發川陪以白狼夷歌成章荆野草昧林

麓黝儵交讓所植蹲鴟所伏百藥灌叢寒卉冬馥異類眾夥于

何不育其中則有青珠黃環碧柰芒消或豐綠萸或蕃丹椒麋

蕪布濩於中阿風連蕤蔓於蘭皋紅葩紫飾柯葉漸苞敷藥葳

蕤落英飄飄神農是嘗盧跗是料芳追氣邪味蠲癘瘠其封域
之內則有原隰墳衍通望彌博演以潛沫浸以緜雒溝洫脈散
疆里綺錯黍稷油油梗稻莫莫指渠口以爲雲門灑淝池而爲
陸澤雖星畢之滂沱尙未齊其膏液爾乃邑居隱賑夾江傍山
棟宇相望桑梓接連家有鹽泉之井戶有橘柚之園其園則有
林檎枇杷橙柿棗棣梔桃函列梅李羅生百果甲宅異色同榮
朱櫻春熟素柰夏成以上西即右也若乃大火流涼風厲白露凝微霜
結紫梨津潤櫛栗罅發蒲陶亂潰若榴競裂甘至自零芬芬酷
烈其園則有蒟蒻茱萸瓜疇芋區甘蔗辛薑陽薑陰敷日往菲
微月來扶疏任土所麗眾獻而儲其沃瀛則有攢蔣叢蒲綠菱

紅蓮雜以蘊藻。糝以蘋蘩。總莖柅柅。裒葉蓁蓁。蕢實時味。王公
羞焉。其中則有鴻儔鵠侶。鷺鷥鵙鵙。晨鳧旦至。候鴈銜蘆。木落
南翔。冰泮北徂。雲飛水宿。哢吭清渠。其深則有白黿。命鼃玄獺。
上祭鱣鮪。鱒魴鯢鱧。魛鱮差鱗。次色錦質。報章躍濤。戲瀨中流。
相忘。以上都畿植物。動物卽中也。於是乎金城石郭。兼市中區。旣麗且崇。實

號成都。闢二九之通門。畫方軌之廣塗。營新宮於爽塏。擬承明
而起廬。結陽城之延閣。飛觀榭乎雲中。開高軒以臨山。列綺窗
而瞰江。內則議殿爵堂。武義虎威。宣化之闈。崇禮之闈。華闕雙
邈。重門洞開。金鋪交映。玉題相暉。外則軌躅八達。里閭對出。比
屋連甍。千廡萬室。亦有甲第當衢。向術壇宇顯敞。高門納駟庭。

扣鐘磬堂撫琴瑟匪葛匪姜疇能是恤亞以少城接乎其西市
塵所會萬商之淵列隧百重羅肆巨千賄貨山積纖麗星繁都
人士女絃服靚妝賈買帶鬻舛錯縱橫異物崛詭奇於八方布
有。撞。華。麪。有。梳。榔。邛。杖。傳。節。於。大。夏。之。邑。蒟。醬。流。味。於。番。禺。之。
鄉。輿。輦。雜。沓。冠。帶。混。并。累。轂。疊。跡。叛。衍。相。傾。誼。譁。鼎。沸。則。噏。聒。
宇。宙。臨。塵。張。天。則。埃。盭。曜。靈。闐。闐。之。裏。伎。巧。之。家。百。室。離。房。機。
杼。相。和。貝。錦。斐。成。濯。色。江。波。黃。潤。比。箇。簾。金。所。過。侈。侈。隆。富。卓。
鄭。埒。名。公。擅。山。川。貨。殖。私。庭。藏。鏹。巨。萬。鈇。規。兼。呈。亦。以。財。雄。翕。
習。邊。城。以上城市貨殖三。蜀。之。豪。時。來。時。往。養。交。都。邑。結。儔。附。黨。劇。談。
戲。論。扼。腕。抵。掌。出。則。連。騎。歸。從。百。兩。若。其。舊。俗。終。冬。始。春。吉。日。

良辰置酒高堂。以御嘉賓。金罍中坐。肴榻四陳。觴以清醪。鮮以
紫鱗。羽爵執競。絲竹乃發。巴姬彈弦。漢女擊節。起西音於促柱。
歌江上之飄厲。紆長袖而屢舞。翩躚躚以裔裔。合樽促席。引滿
相罰。樂飲今夕。一醉累月。以上豪俠宴飲若夫王孫之屬。邵公之倫。從
禽於外。巷無居人。竝乘驥子。俱服魚文。玄黃異校。結駟繽紛。西
踰金隄。東越玉津。朔別期晦。匪日匪旬。蹴蹈蒙龍。涉躅寥廓。鷹
犬倏呻。爵羅絡幕。毛羣陸離。羽族紛泊。翕響揮霍。中網林薄。屠
麕麋翦。旄塵帶文。蛇跨彫虎。志未騁時。欲晚追輕翼。赴絕遠出
彭門之闕。馳九折之坂。經三峽之崢嶸。躡五帆之蹇澹。戟食鐵
之獸。射噬毒之鹿。晶羆坻於萋草。彈言鳥於森木。拔象齒。戾犀

角鳥鍛翮獸廢足以上田獵山阜始而竭來相與第如滇池集於江洲

試水客艤輕舟娉江斐與神遊翳翡翠釣鯁鮒下高鵠出潛蚪

吹洞簫發櫂謳感鱣魚動陽侯騰波沸涌珠貝汜浮若雲漢含

星而光耀洪流將饗獠者張帟幕會平原酌清醕割芳鮮飲御

酣賓旅旋車馬雷駭轟轟圓圓若風流雨散漫乎數百里閒斯

蓋宅土之所安樂觀聽之所踴躍也焉獨三川爲世朝市以上水嬉

及獵罷而宴若乃卓犖奇譎倜儻罔已一經神怪一緯人理遠則岷

山之精上爲井絡天帝運期而會昌景福脍蠶而興作碧出萇

弘之血鳥生杜宇之魄妄變化而非常堯見偉於疇昔近則江

漢炳靈世載其英蔚若相如儻若君平王褒韓曄而秀發揚雄

含章而挺生。幽思絢道德。摘藻揆天庭。考四海而爲雋。當中葉而擅名。是故遊談者以爲譽。造作者以爲程也。神奇偉人至乎臨谷爲塞。因山爲障。峻咀塍埒。長城豁險。吞若巨防。一人守隘。萬夫莫向。公孫躍馬而稱帝。劉宗下輦而自王。由此言之。天下孰尚。故雖兼諸夏之富有。猶未若茲都之無量也。

吳都賦

東吳王孫。輟然而吟曰。夫上圖景宿。辨於天文者也。下料物土。析於地理者也。古先帝代。曾覽八紘之洪緒。一六合而光宅。翔集遐宇。鳥策篆素。玉牒石記。烏聞梁岷有陟方之館。行宮之基歟。而吾子言蜀都之富。禹同之有。瑋其區域。美其林藪。矜巴漢

之阻則以爲曩險之右徇蹲鴟之沃則以爲世濟陽九齷齪而
算顧亦曲士之所歎也旁魄而論都抑非大人之壯觀也何則
土壤不足以攝生山川不足以周衛公孫國之而破諸葛家之
而滅茲乃喪亂之邱墟顛覆之軌轍安可以儷王公而著風烈
也翫其磧礫而不窺玉淵者未知驪龍之所蟠也習其敝邑而
不覩上邦者未知英雄之所躔也子獨未聞大吳之巨麗乎且
有吳之開國也造自太伯宣於延陵蓋端委之所彰高節之所
興建至德以勗洪業世無得而顯稱由克讓以立風俗輕脫躡
於千乘若率土而論都則非列國之所缺望也以上抑蜀仲吳故其經
略上當星紀拓土畫疆卓犖兼并包括于越跨躡蠻荆婺女寄

指衡岳以鎮野。目龍川而帶荆。爾其山澤則

沸
潰
汗
溼
漚
淼
漫
或
涌
川
而
開
瀆
或
吞

漉漉汙汙歛歛乎數州之間灌注乎天下

川派別歸海而會控清引濁混濤并瀨噴薄

馬洶洶隱馬磤磤出乎大荒之中行乎東極

林包湯谷之滂沛潮波汨起迴復萬里歛霧

澄而滌頤溶沅養莫測其深莫究其廣澶湔

而爲長環異之所叢育鱗甲之

修鯢吐浪躍龍騰蛇蛟魚琵琶王魚侯魚合魚印

龍鱗魚涵泳乎其中。草鱗鏤甲詭類舛錯。

